



Broj: 101-1-3790/24

Datum: 10.10.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-3734/24 od 7.10.2024. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Nabavka sjemena i sadnica“

I

Prihvata se preporuka Komisije za javnu nabavku u postupku javne nabavke pod nazivom „Nabavka sjemena i sadnica“, broj: 180-3734/24 od 7.10.2024. godine i ugovor o nabavci roba predmetnom postupku se dodjeljuje grupi ponuđača „**Ecoplants International**“ d.o.o., Matera bb, Blagaj, Mostar, u skladu s dostavljenom ponudom br. 03-09/2024. godine od 19.9.2024. godine, sa ukupnom **cijenom ponude nakon održane e-aukcije u iznosu od 15.274,60 KM bez PDV-a.**

II

Ugovor o nabavci radova se dodjeljuje ponuđaču iz tačke I ove Odluke, sa ukupnom cijenom u iznosu **15.274,60 KM bez PDV-a.**

III

Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 3 Tenderske dokumentacije u predmetnom postupku, u skladu sa tačkom 14.2. TD u roku od 5 (pet) dana od dana prijema Odluke o izboru najpovoljnijeg ponuđača. Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku dodijelit će se drugorangiranom ponuđaču u skladu sa članom 72. stav 3) Zakona o javnim nabavkama.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude, u skladu sa članom 98. stav (4) Zakona o javnim nabavkama BiH.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).



VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).

Obrazloženje

Odlukom broj: 101-1-3212/24 od 9.9.2024. godine pokrenut je postupak nabavke sjemena i sadnica za potrebe realizacije projekta pod nazivom "Istraživanje inovativnih metoda fitoremedijacije tla na eksperimentalnom poligonu Agromediterranskog fakulteta", putem konkurentskog zahtjeva za dostavu ponuda. Komisija za provođenje postupka javne nabavke sjemena i sadnica, imenovana je Odlukom broj: 101-1-3213/24 od 9.9.2024. godine.

U skladu sa Odlukom o pokretanju nabavke, ukupna procijenjena vrijednost nabavke bez PDV-a iznosi 28.000,00 KM. Obavještenje o nabavci broj: 66-7-1-100-3-38/24 objavljeno je na portalu javnih nabavki dana 10.9.2024. godine, zajedno sa Tenderskom dokumentacijom broj: 101-1-3233/24.

Komisija za javnu nabavku je dostavila rektorici Univerziteta Zapisnik o pregledu i ocjeni ponuda u predmetnom postupku i Preporuku o izboru najpovoljnijeg.

U skladu sa Tenderskom dokumentacijom i obavještenjem o nabavci dana 24.9.2024. godine sa početkom u 10:15 sati održano je javno otvaranje ponuda. U predviđenom roku za prijem ponuda (24.9.2024. godine do 10:00 sati) zaprimljene su 3 (tri) ponude kako slijedi:

	Broj protokola	Naziv/ime ponuđača (šifra)	Datum i sat prijema
1.	180-3553/24	ECOPLANTS INTERNATIONAL	20.9.2024. u 12:40 h
2.	180-3556/24	GREEN SERVIS D.O.O. SARAJEVO	23.9.2024. u 8:23 h
3.	180-3557/24	INTER-COM D.O.O. ZENICA	23.9.2024. u 8:23 h

Nije bilo neblagovremeno pristiglih ponuda.

Nakon izvršenog pregleda ponuda, Komisija je konstatovala sljedeće:

Ponuda ponuđača „ECOPLANTS INTERNATIONAL“ d.o.o. je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način.

Prilikom ocjene ponude ponuđača uočena je računska greška, te je dana 25.9.2024. godine upućen Zahtjev za prihvatanje ispravke računске greške. Ponuđač je dana 30.9.2024. godine dostavio Prihvatanje ispravke računске greške u ponudi (Saglasnost) broj: 180-3698/24 kojom je prihvaćena ispravka računске greške u ponudi.

Ukupna cijena ponude iznosi 15.274,60 KM bez PDV. Ponuđač nije dao popust na cijenu. Obzirom da je cijena ponude ECOPLANTS INTERNATIONAL d.o.o. za više od 20% niža od drugorangirane prihvatljive ponude, a u skladu sa članom 66. Zakona i članom 17 Uputstva za pripremu modela tenderske dokumentacije i ponuda („Službeni glasnik BiH, broj: 17. stav (7) tačke a) i b) navedenog Uputstva, Ugovorni organ je uputio Zahtjev za obrazloženje neprirodno niske cijene ponude dana 25.9.2024. godine ponuđaču.



Dana 30.9.2024. godine Ugovorni organ je putem protokola zaprimio Obrazloženje neprirodno niske cijene ponude, broj: 180-3697/24. Nakon pregleda obrazloženja, Komisija je konstatovala da je obzirom na adekvatno objašnjen postupak proizvodnje kako sjemena, tako i rasada, te ekonomičnost procesa proizvodnje, tehnička rješenja i povoljne uslove za dostavu robe koje ponuđač ima na raspolaganju, opravdana ponuđena cijena.

Ponuda ponuđača „GREEN SERVIS“ D.O.O. SARAJEVO je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 27.996,00 KM bez PDV-a. Ponuđač nije dao popust na cijenu.

Ponuda ponuđača „INTER-COM“ d.o.o. Zenica je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 27.855,00 KM bez PDV-a. Ponuđač nije dao popust na cijenu.

Nije bilo osnova za ispravku računске greške u ponudama ponuđača GREEN SERVIS d.o.o. Sarajevo i ponuđača INTER-COM d.o.o. Zenica.

Tačkom 30. Tenderske dokumentacije je predviđeno održavanje e-aukcije za ovaj postupak nabavke, u skladu s odredbama Pravilnika o uslovima i načinu korištenja e-aukcije („Službeni glasnik BiH“ broj:80/23).

U skladu s članom 6. Pravilnika o uslovima i načinu korištenja e-aukcije („Službeni glasnik BiH“, broj: 80/23), e-aukcija je zakazana za 4.10.2024. godine u 10:00 sati. Predviđeno vrijeme trajanja e-aukcije je bilo 10 minuta.

Nakon provedenog postupka e-aukcije, u skladu s Izvještajem o toku i završetku e-aukcije od 4.10.2024. godine, utvrđena je konačna rang lista ponuđača kako slijedi:

1. ECOPLANTS INTERNATIONAL D.O.O. s ukupnom cijenom ponude od 15.274,60 KM bez PDV-a,
2. INTER-COM D.O.O. ZENICA s ukupnom cijenom ponude u iznosu od 27.855,00 KM bez PDV-a.
3. GREEN SERVIS D.O.O. SARAJEVO s ukupnom cijenom ponude u iznosu od 27.996,00 KM bez PDV-a.

Komisija za javnu nabavku jednoglasno daje preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci i isporuci sjemena i sadnica dodijeli ponuđaču „**ECOPLANTS INTERNATIONAL“ D.O.O., sa ukupnom cijenom ponude u iznosu od 15.274,60 KM bez PDV-a.** Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.




U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi direktno, putem pošte ili elektronskim putem.

REKTORICA



prof. dr. Alena Huseinbegović



Dostaviti:

1. Ponuđačima
2. U predmet
3. a/a